

## **Ilokano - Agape Sursurat - God's Love Letter Scriptures**

**Juan 15:9 Ayatenkayo a kas iti panagayat ti Ama kaniak. Agtalinaedkay iti ayatko.**

**Isaias 43:1 Israel, kuna ti Apo a namarsua kenka, “Saanka nga agbuteng—salaknibanka. Inawagak ti naganmo—kukuaka.**

**Jeremias 1:5 “Pinilika sakbay nga inikkanka iti biag, ken sakbay a nayanakka, tinudinganka a profeta kadagiti pagilian.”**

**Juan 15:16 Saan a dakayo ti nangpili kaniak, no di ket siak ti nangpili kadakayo. Imbaonkayo a mapan ken agbunga iti adu, ket manayon koma ti bungayo. Iti kasta, itedto ti Ama kadakayo ti aniaman a dawatenyo kenkuana iti naganko.**

**3 Juan 1:2 Patgek a gayyem, ikarkararagko a nasayaat latta koma ti kasasaadmo. Sapay koma ta nasalun-atka a kas iti ammok a naespiritan a panagbiagmo.**

**Isaias 43:4 Yawatkonto dagiti nacion tapno maisalakan ti biagmo. Napategka ngamin kaniak gapu ta itan-okka ken ay-ayatenka.**

**Jeremias 31:3 nagparangak kadakuada manipud iti adayo. Tattao ti Israel, inay-ayatkayo ket itultuloyko nga ipakita ti napudno a panagayatko kadakayo.**

**Oseas 11:8 “Israel, kasano nga isinaka? Kasano a baybay-anka? Kasano a dadaelenka a kas iti Adma? Kasano a pagbalinenka a kas iti Zeboim? Diak maaramid daytoy, ta timmaud ti panangngaasik.**

**Juan 3:16 Gapu iti kasta unay a panagayat ti Dios iti lubong, intedna ti Bugbugtong nga Anakna tapno ti siasinoman a mamati kenkuana saan a matay no di ket agbiag nga agnanayon.**

**Isaias 49:15,16 Iti kastoy, daytoy ti sungbat ti Apo, “Mabalin aya a lipatan ti ina ti bukodna nga anak? Dina aya ayaten ti maladaga nga impasngayna? Uray no malipatan ti ina ti anakna, ni kaanoman dikanto lipatan. 16 Jerusalem, ni kaanoman dikanto malipatan, insuratko ti naganmo kadagiti dakulapko.**

**Isaias 41:13 Siak ni Yahweh a Diosyo; Papigsaenkayo ket kunak kadakayo, ‘Dikay agbuteng, tulongankayo.’”**

**Mateo 28:20 ken isuroyo ida nga agtungpal kadagiti amin nga imbilinko kadakayo. Laglagipenyo nga addaakto nga agnanayon kadakayo agingga iti panungpalan ti lubong.”**

**Juan 14:1 Kinuna ni Jesus kadakuada: “Saankayo a madanagan ken**

**mariribukan. Mamatikayo iti Dios, ken mamatikayo met kaniak.**

**Isaias 41:14 Kuna ni Yahweh, “Israel, uray no bassit ken nakapuyka, saanka nga agbuteng ta tulonganka. Siak a Nasantoan a Dios ti Israel, siak ti mannubbotmo.**

**Isaias 43:2 No aglasatka kadagiti adalem a karayan, addaakto kenka; dinakanto parmekken dagiti pakariribukam. No magnaka iti apuy, dikanto mauram; dikanto maan-anu kadagiti nakaro a pakasuotam.**

**Salmo 23:1-6 Apo, sika ti pastorko, adda aminen a masapulko. 2 Iti nalangto a karuotan, paginanaennak; iti sibay dagiti dandanum a natalinaay, idalannak. 3 Ipaaymo kaniak ti baro a pigsa. Tarabayennak iti tumutop a dalan, kas inkirim. 4 Uray pay no ginget ni patay ti paglasatak saanakto nga agbuteng ta addaka kaniak! Ti sarukod ken bastonmo salaknibandak. 5 Mangisaganaka iti padaya nga agpaay kaniak, iti imatang dagiti kabusorko. Pinaaruyotam daytoy ulok iti lana, ket agliplippias ti kopak. 6 Awan duadua a kumuyogto kaniak ti kinaimbag ken ti kinamanagayatmo bayat ti panagbiagko, ket agtaengakto nga agnanayon iti balaymo.**

**Juan 14:27 “Kappia ti ibatik kadakayo. Ti bukodko a kappia ti itedko kadakayo. Ngem saan a kas iti pannangted ti lubong ti pannangtedko kadakayo. Dikay madanagan ken mariribukan. Dikay agbuteng.**

**Taga-Filipos 4:7 Aywanannakayto ti talna ti Dios a di matukod a panunoten ti tao tapno natalged dagiti puso ken panunotyo iti pannakikaysayo ken ni Cristo Jesus.**

**Proverbio 3:24 Awanto ti kabutengmo no agiddaka, ket naimasto latta ti turogmo iti agpatnag.**

**Salmo 4:8 Apaman nga agiddaak, makaturogak a sitatalna; ta sika laeng, O Apo, ti mangted iti natalged nga inana.**

**Salmo 33:18 Salluadan ti Apo dagiti agbuteng kenkuana; wen, salluadanna dagiti agtalek iti saan nga agbalbaliw nga ayatna.**

**Taga-Roma 5:2 Nayasidegtayo babaen iti pammati iti parabur ti Dios ket daytoy ita ti laklak-amentayo. Agrag-otayo ngarud iti namnama a mairanudtayo iti dayag ti Dios!**

**Isaias 55:12 “Naragsakkayto a pumanaw iti Babilonia; sitatalnakayto a mairuar iti siudad. Agkakantanto dagiti bambantay ken turturod, agpuukawto dagiti kaykayo gapu iti rag-o.**

**Juan 16:22 Kasta met kadakayo: Agladingitkayo ita, ngem makitakayto manen ket agragsakkayto. Wen, addanto rag-o nga awan ti siasinoman a makaikkat kadakayo.**

**Lucas 12:9 Ngem ti mangilibak kadagiti tattao iti pannakikaduana kaniak, ilibakto met ti Anak ti Tao kadagiti angheles ti Dios.**

**Mateo 10:30 No maipapan kadakayo, uray dagiti buokyo nabilangda aminen.**

**Isaias 54:10 Mabalin a margaay dagiti turod ken bantay, ngem dinto agpatingga ti panagayatko kenka. Salluadakto iti agnanayon ti tulagko iti pannakikappia.” Kastoy ti sao ti Apo a mangipatpateg kenka.**

**Mateo 11:28-30 “Umaykayo kaniak, dakayo amin a nabannog ken madagdagsenan, ket paginanaenkayo. 29 Alaenyu ti sangolko, ket agsursurokayo kaniak agsipud ta naemma ken napakumbabaak, ket masarakanyonto ti inana. 30 Ta nanam-ay ti sangol nga itedko kadakayo, ket nalag-an ti awit nga ipabaklayko kadakayo.”**

**Kanta ni Solomon 2:10 Agsao ti kaayan-ayatko kaniak.” Ti Lalaki: “Umaykan, ay-ayatek; biagko, kumuyogka kaniak.**

**Oseas 2:14,19,20 Isut' gapuna nga ipankonto manen iti let-ang. Magun-odkonto manen ti panagayatna babaen kadagiti makaay-ayo a sarita. 19 Israel, pagbalinenkanto nga asawak; Napudnoakto ket dikanto baybay-an; Ipakitakto kenka ti di agbalbaliw nga ayat ken panangngaasi ket agnanayonto a kukuaka. 20 Tungpalekto ti karik ta kukuaka ket bigbigennakto a kas Apo.**

**Exodo 3:14 Kinuna ti Dios, “Siak ti siak. Daytoy ti ibagamto kadagiti Israelita, ‘Imbaonnak ti mangawag iti bagina iti SIAK.’**

**Oseas 13:4 Kuna ni Yahweh, “Siak, ni Yahweh a Diosyo, a nangiruar kadakayo idiy Egipto. Awan ti Diosyo no di la siak. Siak laeng ti mangisalakan kadakayo.**

**Juan 15:14 Ket dakayo dagiti gagayyemko no tungpalenyo ti ibilinko.**

**Paltiing 3:20 Deggem, addaak nga agtatakder iti ruar ket agtuktuktokak iti ruangan. No adda makangngeg iti timekko ket luktanna ti ruangan, sumrekakto iti balayna ket agkalanglangkamto a mangan.**